

*Servicio di
Impuesto:*

Mester haci cita pa regla asunto di pagamento di impuesto

*Entrante dialuna dia
4 di december*

ORANJESTAD - Servicio di Impuesto ta participa cu entrante dialuna awor, dia 4 di december, lo tin cambio den servicio pa loke ta trata e casonan di pago di impuesto cu mester atencion specifico di un funcionario.

Lesar pagina 4

Sontje Henriquez a bira ganador absoluto di Aruvision 2006 na Rotterdam

DEN HAAG - Sontje Henriquez a bira e ganador absoluto di Aruvision 2006 cu su interpretacion di e hit di Juanes "La Camisa Negra". E di cauter edicion di Aruvision a tuma lugar den Dynamo Dans en Partycentrum na Rotterdam.

Lesar pagina 5

Segun Benny Nisbet(PPA):

"Marcha chiquito di AVP a apruba BBO !

Lesar pagina 8

Un siman prome cu schedule

E turbo rotonde a habri pa trafico ayera mainta tempran riba Boulevard

Un rotonde di 1.6 milyon florin cu ta placa bon inverti segun Minister Lopez Tromp



ORANJESTAD - Un siman prome cu schedule, e turbo rotonde riba boulevard a keda habri ayera ora cu minister encarga cu Infraestructura Marisol Lopez Tromp a core riba dje cu su auto. Un

trabou di 3 luna, kita algun siman, cu a trancu y trece hopi incomunidad durante su construccion, pero cu na final di dia lo percura pa un fluho mas facil y sigur di trafico, na un cruzada hopi popular y



dificil.

A dicidi algun luna pasa pa haci un inversion cuantioso di 1.6 milyon florin pa e turbo rotonde, e prome di su sorto aki na Aruba. Un rotonde cu for di ayera ta un hoja di leu caba, doma cu mata y palo di coco bunita. Un bista pa turista cu lo gosa di e rotonde cada bes cu nan trafica riba dje, segun minister Lopez Tromp.

Pero mas cu beyesa, e ta induci un seguridad y un fluho mas grandi di auto compara cu e otro rondenden cu tin na

Aruba. Y mirando su situacion y ubicacion, tabata pertinente pa esaki keda cla mas liher cu ta posible. Esaki pasobra durante su construccion, e la percura pa hopi angustia serca comerciantenan den besindario y tambe traficantenan cu tabatin un dolor di cabes tur dia den filanan largo riba rutanen alternativa.

Awor cu e rotonde ta cla, e mandatario ta contento cu por tin un fluho di trafico normal atrobe. Especialmente pa alivia e trafico di fin di anja cu ya caba por wordo sinti tur dia. E costo di 1.6 milyon florin ta hustifica segun e mandatario. "Placa bon inverti" ta palabranan cu e mandatario a usa na momento di inaugural e rotonde aki. Tempo lo bisa si nos lo mira mas rotonde di e indole aki na Aruba. Mes momento ta depende di e Wegen en Infrastructuur Fonds (WIF) cu lo mester keda aproba den e siguiente presupuesto (2007) cuanto rotonde mas Aruba lo por conoce despues di esun cu nos a conoce awor, esta e turbo rotonde.

